


玉樹調查記



地.620
916

查 玉
記 樹
土
司
調

姚
明
輝
題



目錄

林序

張序

自序

例言

玉樹二十五族簡明圖

玉樹在青海之位置圖

卷上

部落

山脈

水道

地形

政治

目錄

卷下

目 錄

宗教

風俗

實業

掌故

考證

附甯海紀行及攝影

玉樹調查記序



大中華民國八年八月八日。傳甲編印京師地理志成。隴西學者。會商分纂甘肅省志。得識王子天柱。并讀周子希武玉樹調查記。憶去年在西湖。編浙江志。遇青海屯墾使蒯壽樞。抵掌西北。縱論五年前建議改行省。及江源河源之形勢。方擬句當東南事了。經營西北。今讀周子書。益知玉樹天產地質人情。如身歷其境。誠大中華青海地理志之藍本也。王子徵序。不敢率應。伏念先祖劍秋公。從戎仕蜀。兩宰鹽源。所屬土司。莫不畏之如神明。惟在絕賄賂耳。先君子麗生公。于役雅州以西。窮探險阻。不幸六歲失怙。不克繩武。繼志爲憾。先妣林下老人。將門之女。有文武才。嘗與河西女士司嶺李氏。馳馬於峻阪。發強弩。以殪熊鹿。番族驚歎。傳甲因母教成立。兒時卽守祖父所遺一統圖。視爲吾家第一宗財產。今與王子夜談。猶披康乾舊圖。覓玉樹四土司所在。先君子之手澤。猶丹黃雜於圖眉。傳甲兒時。因先妣以瑤池阿姆屬對。卽以玉樹土司應之。時八比俗儒。茫然不知所謂也。今世界進化。然中國人不知中國事者極多。本省本縣之人。且不注重本省本縣之地理。何能責之萬里以外之邊徼乎。傳甲講學湖南。卽崎嶇苗蠻。教以同化。列之膠庠。服

玉 樹 調 查 記

官廣西。佐治藩幕。卽建議收土州土縣。改設流官。昔設彈壓員者。今已正名縣知事矣。北度龍江。以提學勸業之力。墾蒙荒而設治。凡索倫、鄂倫春。亦立專校。蓋酋長政體。過於專制。封建世襲。無異君主。茲當共和進化之時。傳甲筆端。遂大有掃滅土縣蒙旗之勢。而不自知也。玉樹土司。決不能永久保存。中華開青海省。則必爲玉樹道。中壩、格吉。皆他日之縣也。我不經營之。人必經營之。英圖西藏。以青海爲勢力範圍。南北當軸。果有良心上之覺悟乎。請三復周子之書。共圖拓殖之計乎。閩侯林傳甲序於京師雙藤花館。

玉樹調查記序

玉

樹

調

查

記

玉樹二十五族故屬甘肅有清時由青海辦事大臣主管民國初元川邊誤爲甌脫置吏兵焉番族以屬甘久又困川軍供給不樂屬川兩省有異議而入告中央之文名稱互歧政府未察而兩從之乃益糾結不可解三年春廣建持節至隴以甘人周觀察使務學樸質耐勞苦習兵事特請於中央令赴海南與川省官吏會勘界務得諾以周君希武明習邊事令偕行至玉樹經年通情宣德捐爭解紛慰勞疾苦推詢向背咨究故實番民遮道膜拜籲訴願仍隸甘廣建達其情於是玉樹仍爲甘省轄境甘與青通郵而合一周君希武並以其間著玉樹調查記二卷海南旅行記一卷於番族分合山川形勢敘次明確廣建嘗觀有清一代儒碩踵出其著書論析西北地理者甚衆然於青海則已略至海南玉樹二十五族私家記載更闕然無之蓋荒落僻遠學人足跡罕至至者又率不學不能抉摘稽比以供當代士夫之考證滋足憾也今周君以淹雅之才躬歷絕徼周諏周度備述聞見翔實精覈無單詞隻字嚮壁虛造其用心可不謂勤乎夫青海爲吾國神皋奧區亙古未關之陸海峴國者涎之而玉樹者乃其西南菁華所萃土腴而產富其可欲殆又甚

序

一

焉自西藏跋扈川邊雲擾而玉樹形勢已孤剝床及膚藩籬洞撤涓涓不塞將成江河廣
建以奉命裁青海長官而全青直屬甘肅融合版圖無他機關歧出梗阻因請設甘邊寧
海鎮守使積極規畫來增戍兵創台站置理事員已次第粗舉又請設青海甘邊屯墾使
冀專事墾闢以漸收移民實邊教農固圉之效然格於勢而不得行者十尙八九刈榛闢
塗謀尺而進寸非徒苦於財絀兵單亦以通曉邊事之才不多觀唱者曉音而和者希也
茲之印布此書旣以揚闡周君苦心尤欲警起國內閤達俾共注意於邊事云爾

中華民國八年春合肥張廣建撰

自序

青海南部有囊謙等土司二十餘族皆番也。衛藏通志謂之阿里克等四十族其族數今昔參差之故具見考證門其間唯

玉樹四土司本蒙古部族游牧通天河上流番人謂之達木其地當西寧入藏孔道常代

表海南各土司支辦供億故西寧案牘率呼海南各土司為玉樹等二十五族及其久也

則沒去等字徑呼為玉樹二十五族遂以專名為公名正猶隴省之名甘肅耳。元之甘肅省止有河

西諸州路及寧夏額濟納等地自洮河關會以東皆隸陝西而省治又在甘州故曰甘肅等處行中書省其名本正明廢甘肅省併于陝西清初因之雍正分省時大勢以隴山為

界乃沿用元人甘肅之名此當事者之不學也而川邊附近囊謙目為隆慶二十五族隆慶者囊謙之轉音也近

年經略川邊者謂二十五族為化外之民脅令投誠且置戍焉已得命於中央矣而番民

久隸西寧不樂屬川屢訴於甘而甘省所據以入告之文猶然玉樹二十五族也隴蜀共

爭一地而稱名互岐紛紛爭執踰年莫決中央乃飭兩省派員會勘時合肥張勳伯上將

初督甘肅以邊關道尹忠武軍統領周務學樸實耐苦文武兼資請特派為查勘界務大

員謂希武頗究心邊事委充隨員洮陽牛君載坤故習測繪學遂邀與俱行以民國三年

八月由蘭首途至西寧取道海南小路踰大積石山絕河源渡崑崙即巴顏哈拉山涉金

記 查 調 樹 玉

玉

樹

調

查

記

沙江朝犯瘴癘，暮逐水草，徑無人之地，千餘里，艱苦備嘗。以十一月晦抵結古。即蓋牛君古多復衝寒冒險，徧歷各族，測繪地圖。希武則訪問長老，參攷圖志，真象既明，疑誤冰釋。周特派員，乃具條兩省誤會之由，及番情向背之機，隴蜀控制之宜。由張勳伯上將轉達中央。踰年三月，奉令玉樹二十五族，准仍歸甘肅西寧管理。川兵退出境外，凡駐結九閱月，界務歲事，希武公牘餘暇，輒最錄所聞，並參以牛君調查所得，久之盈卷，以類排比，稍加刪潤。命曰玉樹調查記，沿用訛名，取便稱謂也。乃爲序曰：禹貢析支，崑崙說者以爲析支在河首，崑崙在今新疆和闐南，而雍州黑水，清儒謂卽潞江。番人所謂哈喇烏蘇者是也。揚雄雍州牧箴，黑水西河，橫截崑崙，邪指闐闐，畫爲雍垠。今玉樹二十五族，在崑崙之東，黑水之北，河源之南，其爲禹貢雍州封略所及，可斷言矣。殷周盛時，自彼氏羌莫不來享來王。三代以降，帝王德衰，不能及遠。於是漢有西羌之禍，唐有吐蕃之患。而禹迹故壤，遂以敵國異域視之矣。唐太宗至，以宗室女爲公主，下嫁吐蕃，其酋迎之河源，卽今娘磋北境是也。元起朔漠，囊括亞洲，二十五族夷爲奴隸。明逐蒙古，而青海餘孽猶役屬玉樹。清初始脫奴籍，羈縻勿絕。及其衰也，蒞盟委員視爲利藪，誅求椎剝，番不勝困，而勢已積弱。卒

玉

樹

調

查

記

亦無敢有抗顏行者。始吐蕃盛時，北陷河隴，南沒松維，以唐之強而不能遏其狂恣。及佛教大行於吐蕃，人種日減，殺心漸弭，而獷悍忍鷙之風亦稍稍衰矣。故以趙宋之文嬴而吐蕃不能大爲邊患，明之季年，套虜跳梁海西，不聞海南有煽動之事，清之中葉，南番剽掠河北，不聞西番有響應之謀，斯非佛力去殺之明效歟。然天下之患，每伏於大利之中，彼唯不能爲吾患，則亦不能禁制遠夷而爲吾効保塞之助。王船山謂近夷衰弱，適足爲崛起遠夷之資，其今日吐蕃之謂乎。童騃無識，被人傀儡，終且俛虎教猱，狝糠及米，况二十五族與彼壤地毘連，又同種同教哉。玉樹不保，勢將北擾蒙古，禍必中於湟中，東煽果貉，患且及於洮岷，吾甘來日其盱食乎。今國家縱不能急切圖藏，豈可坐令玉樹爲之資耶。顧玉樹鄙遠艱食，宿兵實難，內地轉餉，寧能持久。計唯亟經營附近西寧蒙番，逐漸拓殖，以及玉樹而經略之基，須寧海特別區域實行後，以湟中之全力萃於青海，始克有濟。蓋自海濱以至河首，荒原亂岫，豐草大泊，目極千里，往往無人，唯剛咱果貉諸野番時出沒其間，自非三月聚糧，盛列卒徒，莫敢前往者。倘兵屯旣列，亭障相聯，道路無虞，來往玉樹者漸多，然後以兵保商，以商興屯，以屯足食，而瘠陁可化爲沃壤，玉樹之植基旣固，卽

可聯絡川邊以爲制藏之計。今歐戰方酣。不暇東顧。吾國人欲經略海藏。此誠千載一時之機會。失今不圖。後必噬臍。而世之君子方且競爭權利於中區。蹄涔之水。坐視百餘萬方里之陸海。榛莽際天。以待他族之開闢。此希武與牛君所爲。讀山有樞篇而相視流涕者也。乃發憤述玉樹調查記以爲經略青海之嚆矢。並以質世之留心邊事者。都四萬餘言。

維廿五族。荒服於清。民國勘撫。疆索以明。述部落記第一
兩戒維首。崑崙之墟。昔導厥委。今詳其初。述山脈記第二
夏姒導江。不竟其源。黑水雍略。後儒異言。述水道記第三
與康犄唐。是亦一奇。險阻旣著。籌邊是資。述地形記第四
清末政圯。蒙藏披離。鑒彼圖此。勿謂小夷。述政治記第五
吐蕃崇佛。殺去力衰。因勢利導。勝國是師。述宗教記第六
聚麀鳥葬。獸心未革。立教易俗。匪伊朝夕。述風俗記第七
貨棄於地。地瀕於邊。混沌不鑿。人將我先。述實業記第八

蝸角蠻觸。睚眦搆兵。事近蒐瑣。可燭番情。述掌故記第九
荒裔晚著。史籍無徵。物舉所見。西爪東鱗。述攷證記第十

自
序

五

玉 樹 調 查 記

自 序



六

例言

玉

一玉樹本囊謙等二十五族中之四族而甘肅歷來舊案以專名爲公名相沿已久今姑仍之。

樹

一番名山曰拉水曰曲一作楚灘曰通一作塘溝中有灘曰雲無曰囊一作耶曰隴曰科兩水之交曰松多硤曰尕湖泊曰錯今概循用番稱以符名從主人之義。

調

一番族戶口及取民之制最難得其真象蓋恐增加負擔或奪其利權故多隱匿不實今姑就可攷者書之。

查

一近人志地理於山脈水道大率有表意在力求簡明而披閱之下反難了然今仍仿禹貢水經之例分條叙次似較便觀覽焉。

記

一玉樹荒裔晚著舊籍可徵者絕少唯衛藏通志西寧府志胡文忠一統輿圖青海調查記源楊某著僅二十餘頁載其崖略其餘材料皆此次調查所得雖掛一漏萬然非耳食博雅君子能補而正之更末學所祈望也。


一經略玉樹之策希武尙有芻議一卷此書止述風土未能多及芻議將以次出版

記 查 調 樹 玉

例
言



玉樹二十五族簡明圖



說明

一牛君測繪之圖每方三十里摸印不易茲縮為簡明圖較便有覽每方一百里

一玉樹本二十五族中之四族以地當入藏孔道常代表各族辦理支應故內地公牘率稱為玉樹等二十五族及其久也則選稱為玉樹二十五族以專名為公名正猶隴省之稱甘肅皖省之稱安徽閩省之稱福建也其實囊謙千戶為二十五族之領袖呼為囊謙等二十五族則名正矣今以相沿既久姑仍之

一玉樹四族地界雖廣然土曠人稀游牧邊徙不常厥居自通天河南北二源合流之處距發源之處高各千餘里荒寒廣漠蓋不毛之地此次迫於程限未能前往測繪故玉樹西界不敢億定云

周希武附記

按曲曲河法
達徒無定不
能著其分界

圖例

山 番莊
水 僧寺
族界 帳房
省界 千百戶所治
大道

番名山曰拉水曰曲(一作楚)
東南室廬諸族百戶皆有治所或
寺或莊皆著於圖西北游牧諸族
不著治所無可著也

近日坊間通行地圖
將鄂穆楚河流域全
劃入西藏於是囊謙
蘇克魯諸族幾疑
青海所屬矣茲圖足
正其謬云

35
34
33
32
北緯

東經
95
96
97
98
99